

Հայոց եւս ինքեանց 'ի տարւոյ միանգամ յաւուր տօնի Ս. Յակոբայ որդւոյն Զեբեթեայ պատարագել 'ի վանս Հայոց 'ի տաճարի սրբոյն : Եւ այս խնդրի կարեւոր կացեալ յերերի իրր ամս 40 յետ այնորիկ կարգադրեալ իցէ 'ի ժողովին Սիօնի , ուր էր յայնժամ Ս. Հայրապետն Հայոց Տէր Գրիգորիս , զորմէ ունիմք ասել 'ի ստորեւ , եւ Ալեքերիկոս եպիսկոպոսն Նուիրակ Պապին : Սակայն չգտանմք ստուգագոյն ասանդութիւն ինչ վասն այսր 'ի գիրս Հայոց եւ մեք չկամիմք զհետ երթալ սնտոի աւանդութեանց այլոց : Իսկ Մարինոս վանահայր Լատին վանօրէից՝ կացեալ պատմիչ 'ի սկիզբն 17 դարու , այսպէս պատմէ 'ի պատմութեան Ս. Երկրին , « Ի վերայ գերեզմանի Ս. Կուսին ոչ ոք կարէ պատարագել ասանց հրամանի մեծաւորին մերոյ , որ է պահապան Ս. Տեղեաց , բայց շնորհեցին Հայոց յաւուրս չորեքշաբաթուց պատարագել անդ փոխաբէն այնր բարեաց , զոր շնորհեցին Հայք Լատինաց 'ի տարւոյ միանգամ պատարագել յեկեղեցին Ս. Յակոբայ , եւ միանգամ եւս 'ի վանս Ս. Փրկչի յաւուր Պէնտէկոստէի » : Բանք Մարինոսի հային 'ի յետին ժամանակս , մանաւանդ զի յետ տիրելոյ Սալահատտինի Ս. Երկրին՝ Լատինք իսպառ մերժեցան անտի , իսկ Հայք կացին մնացին դարձեալ 'ի տեղիս իւրեանց մտեալ ընդ իշխանութեամբ այնր Պետութեան , որպէս յայտ առնեն զայս Արաբացի հրովարտակը : Եւ զինի ժամանակաց , յորժամ ընդարձակութիւն գտին Լատինք և եկին յերուսաղէմ և դարձեալ մտին 'ի գերեզմանն Ս. Աստուածածնի , անդ գտին զՀայս և զՅոյներս և ընկերութեամբ ժառանգեցին զՏեղին Ս. մինչեւ 'ի թուականն 1758 , յորում իսպառ զրկեցան յեկեղեցւոյ անտի , զորոց տեսցուք 'ի կարգի իւրեանց :

Յաւուրս Հայրապետութեան Մեծին Գրիգորի վկայասիրի պատահեցաւ դարձեալ այլայլութիւն Զատիկի՝ որ ասի Մատթայի , որպէս պատահեալ էր յառաջագոյն , և ունէր պատահիլ միշտ 'ի 95 տարւոյ միանգամ 'ի վարին նովին տօմարաւ . զի ամենայն քրիստոնեայք տօնեցին զԶատիկն միով եօթնեկաւ յառաջ յաւուր Մողկազարդի բաց 'ի Հայոց և Ասորոց . զի թէպէտ և Լատինք չասէին ինչ վասն այսր , սակայն Յոյնք ունէին հակառակութիւն